

Na Neptali Henriquez Park a devela un "Wall of Fame" den honor di Mevrouw Wekker y Tante Gerda



ORANJETSAD (AAN): Diabierna atardi, durante un ceremonia simpel y chikito, directiva di Fundacion Neptali E. Henriquez Sr. a desvela su 'Wall of Fame' na honor y den felis memoria di Mevrouw Wekker (señora Florence Wekker y Tante Gerda. (Gerda de Groot).

traha, crea y a engrandese e park aki cu tin e unico meta pa yuda den e desaroyo positivo di nos comunidad di mucha chikito'.

E honor pa efectua e desvelo a bay na yiu muher di Tante Gerda, Srta. Nadine Salas, cu ta biba na Hulanda pero despues di tabata na Aruba pa



Como presidente di e fundacion, Sr. Bibi Arends a expresa su satisfaccion cu despues cu su directiva pa pasa den algun aña di hopi trabao cu varios contra tiempo, porfin Neptali Park ta completamente recupera, renoba y full operacional. Bibi Arends ta splica: 'Pa e mes un motibo aki a yega tempo tambe pa reconoce e hendenan cu tanto dedicacion, pasion y voluntariamente, a

entiero di su mama, a bolbe Aruba pa un corto tempo pa cabi regla cosnan di su mama. Bibi Arends ta sigui splica: 'Un aña pasa, ariba un dialuna, 21 di januari, nos directiva a worde gesjok cu e noticia cu den oranan di marduga Tante Gerda (nos Secretaria) a fayece na su cas caminda e tabata biba su so. Esaki despues di a sufri di un enfermedad corto cu niun hende por a sospecha algo

di dje. Tante Gerda tabata un di e voluntarionan cu desde cu Mevrouw Wekker a yega Aruba y a cuminsa dedica su mes na nos muchanan, a apoye y para banda di dje te ariba e dia cu Mevrouw Wekker a fayece. Ta relevante pa menciona cu Tante Gerda a haci esaki sin cu e tabata tin e responsabilidad di un miembro di directiva, pasobra e no tabata miembro di Mevrouw Wekker su directiva. Srta. Nadine, obviamente emociona, a papia di su mama su apoyu na Mevrouw Wekker su comishon Van



het Kind voor het Kind, y despues di e creacion di Neptali Park, caminda Tante Gerda a haci uso di su carera den media di radio y television pa yuda Mevrouw Wekker popularisa binimento y e fiesta di Sinterklaas na Aruba. Despues e park a bira e prome lugar cu Sinterklaas tabata bishita ora e yega waf. Ademá Srta. Nadine a sorprende e invitado ora cu el a menciona un serie di otro organizacion y comishonnan cu su Mama tabata forma parti di nan. Señora Vda. Femy Muyale, di e Rummy Club den cual Tante Gerda tabata participa tur siman, tambe tabata tin palabranan di elogio di e persona asina simpatico y cariñoso cu nan a sinja conoce den Tante Gerda. Finalmente Bibi Arends y despues Sr. Pancho Geerman kende cu pa hopi aña a conseha, apoya y



yuda Mevrouw Wekker den su trabaonan, siendo cu Pancho tampoco nunca a forma parti den e directiva di e fundacion, a duna un relato chronologico basta extenso di e careda di Mevrouw Wekker. Su nomber tabata Señora Florence Angelique Melba Eleonor Wekker. el a nace na 1915 na Surinam y a yega Aruba na 1947 caminda el a traha na DOW, Bevolkingsbureau y Veterinaire Dienst. Semper e tabata yuda, caminda cu e por, tanto mucha como hende grandi, cu bril, aparato pa scucha, sapato, cos di hunga y cuminda. Un di su prome programa pa mucha tabata na Radio Antiana. el a dirigi e



comishon "Van het Kind voor het Kind". E tabata tin varios programa di Sinterklaas na Tele Aruba cu premio pa concurso di pinta. Na 1971 el a organiza e prome yegada

di Sinterklaas na Wilhelmina Stadion (Guillermo Prospero Trinidad). Despues e evento a move pa Hotel Central y a sigui hala atencion di chikito y grandi. Mevrouw Wekker a lanta e Fundacion Neptali E. Henriquez Sr. na 1974 cu meta pa yuda den e desaroyo positivo di mucha. Cu cooperacion di Betico Croes, Gobernador Leito di Antias Hulandes y di Hulanda, el a crea e park di cual su apertura oficial a worde efectua pa Su Alteza Real Princesa Margriet di Hulanda. Na 1986, despues cu Sinterklaas a worde bon bini na waf pa nos mandatarionan y Mevrouw Wekker, pa prome biaha, Sinterklaas a dirigi su mes, acompaña pa un drumband, pa e park, caminda a sigui un fiesta di bon bini cu regalo y cos dushi pa tur mucha. Mevrouw Wekker a fayece dia 18 maart 2002, pero su trabaonan pa mucha no tabata en vano y ta sigui. Finalmente Bibi Arends ta duna danki tambe na Checkpoint Color pa e bunita potretnan cu awor ta e comienso di e "Wall of Fame" cu a lo largo lo bira un muraja di e historia di e parke'.